



# Bernancio!

Limérot 100 II-2010 2€

JHORNÀU EN PARLANJHE DE LA RÉJHIUN POETOU-CHÉRENTES-VENDÀIE

## BERNANCIO TROES FOES ! DÉSENJHOMINÉZ VE EN LISANT *BERNANCIO* !

*Le prmàe limérot de Bernancio date de l'« otoune 1984 ». Nous vela rendus au centiaeme. Pr çhéle rencuntre, i ve dounun a lire l'éditoriàu que grafegnit Vianney Pivetea. Déjha den çchau limérot 1, ol étét de quésciun d'ine loe pr lés parlanjhes de France lançàie pr le deputai brtun Dollo. Alas ! ol at pa béréde avenjhai dépeùs. Ol avét in article su le creusement dau port de Boujhenàet que nous amies Bllanche é Marie-Louise apeliand « çchau falì port », é*

*pi in petit bellét qui disét –miracle !– que l'éstatue de la boune Viérjhe de Bourjhenàet avét pleùrai au deràe grous d'aeve é que sés égraemes aviant tuai lés boujhies alumàies a sés pais ! Le tite de çchau petit jhornàu, qu'ét in dire latin de l'ancièn bataeme, ol étét pr baràe le bousin, le chéti sort. Bernancio troes foès, qu'o fàut dire. Bernancio troes foès pr que le Grimàud jhacobin anti-parlanjhes séjhe barai !*

*Micha*

**F**audrét o crére que si étét pa daus admenistrateurs parisiéns, lés poetevins causeriant poet, dancieriant poet, musiqueriant poet, pi viveriant en pea den lés boès ? O n-at pa la manque de çhés qui fesant daus grands éspéctaclles pr nous « donner accès à la culture »... Marci bae, mé i avun ce qu'o fàut ! Mae de 2000 ans qu'at le Poetou.

A cause dun, in jhornàu en parlanjhe poetevin ? Pr çheù.

Pr faere voer pi savoer qu'o vive trjhou netre çhulture, de bisque é de basque bé daus foès, mé qu'o se pét faere bé daus chouses, qu'o demande qu'a revilàe. Pr faere voer que netre parlanjhe ét vrae en cas de causàe de tot, sens cuntraere qu'o vedriant faere acrére daus chétis (que l'en queneùssant rén moetai dau tenp). O serat cas de tot pllén d'afaeres, de totes lés éstamèles, qui se passant bedun s'avant passai en le Poetou pi la Séntunjhe.

nous jhujhant bedas, pi de de tots çhélaes qui nous noucant den leùs musaes queme daus beques a leùs pàus. Nos métives sant çhéles de demén. Ré que la semance ét de l'àutre-an. Pr çchau parlanjhe pi çhéle çhulture enjhominaie : **Bernancio troes foès !**

*Vianney Pivetea, 1984*



*Lés mounàies daus Pictuns muntrant in queval-làe ac daus ales é pr debas ine mén. Ol ét la rimajhure enbllématique a dréte dau tite de Bernancio. É ol at dounai l'idàie dau logo de l'UPCP-Métive « la mémoere en évrdu ».*

### Den çchau limérot :

Quoure t'as jha de papàes, t'és lén d'être a la celàie !...2-3-4  
« Ine ouvrajhe d'Arabe »...5  
Lés jhénes annàies d'ine fame reviràie...6-7  
Quant Jean Ferrat chantét Aragon...8  
Dires et dituns...4&8